



八旗通志初集卷之一百七十一

名臣列傳三十二

鑲黃旗漢軍世職大臣一



范文程

范達禮

張大猷

馬光遠

馬光輝

郎熙載

郎廷佐

祖澤洪

鄧長春

阿什圖

盧崇峻

祖國志父延祚

許天寵

胡有陞

八旗通志

卷一百七十一

名臣列傳三十二

一

初集



范文程字憲斗。號輝嶽。漢軍鑲黃旗人。宋叅知政事。范仲淹之後。有居江西樂平縣者。遂爲樂平人。由樂平遷瀋陽。曾祖總明進士。累官兵部尚書。以伉直忤嚴嵩去。祖沉。爲瀋陽衛指揮同知。父楠生子二。文程其次也。少穎敏沉毅。讀書輒通大義。年十八。與兄文案並爲生員。天命三年。大兵克撫順。文程偕兄來歸。

太祖高皇帝偉其貌。詢知其家世。顧謂諸貝勒曰。此名臣後也。善遇之。後

太祖取遼陽度三岔攻西平。下廣寧。所在行營。必叅帷

八旗通志

卷二百七十二

名臣列傳三十二

二

初集

幄。天聰三年。以文館官從

太宗文皇帝入薊門克遵化。招服潘家口。馬蘭峪。三屯營。馬欄關。大安口。五城皆下之。我師之在大安者。爲敵所圍。文程擐甲逼陣。以火器進攻。圍乃解。

太宗自將臨永平。而令文程留守遵化。敵兵來攻甚銳。我軍前鋒被圍。文程突圍力戰。援之以出。不失一人。以功授遊擊世職。五年。師圍大凌河。城中食盡俱降。獨西山一臺。據險死守。文程請往諭。單騎至臺。曉譬詳切。守者降。六年。隨

駕至明邊歸化城。索取察哈爾汗所寄人畜。時

太宗欲深入明境。猶豫未決。與文程等謀之。文程率文館諸臣。甯完我馬國柱。公疏言。臣等奉

命籌度目前事宜。臣等雖愚。敢不竭所知以聞。沙河堡官員。查發逃去人民。是所謂疾在首而暫救其首之意耳。今卽以彼爲順從。有不欲加兵之意。是誠動與義合。而具大有爲之志也。但觀我軍情形。皆有必欲深入之意。如欲深入。當預爲籌畫。決計而行。少有怠忽。俟臨期爲之。恐其設備各相防守。我兵一入。卽遇漢人則已。若退守各

八旗通志

卷二百七十一

名臣列傳三十二

三

初集

城。近邊村莊。地瘠民窮。深入則徒疲馬匹。我軍毫無裨益。徒手而歸。是名與利兩失矣。果欲深入。當直抵北京。訊其和否。早爲決斷。毀山海關水門而歸。以壯軍威。以示無敵於天下。若計所從入。惟雁門關爲便。旣無阻撓。又沿路居民富庶。可資飽騰。如恐無隙可乘。臣等於不可之中。求其可者。有兩計焉。一爲明顯之計。一爲乘釁之計。所謂明顯者。當諭沿路人民。明言察哈爾汗遠遁。部民盡爲我有。因路遙徒步難行。特來與爾主講和。假爾馬匹。令我新附人民騎歸。俟

爾主旣和。仍照數償補。若我欲和。爾主不從。異日興師蒙。

天眷佑。以版圖歸我。凡被擾之民。當酌免賦稅幾年。以伸我愛養之意。此一計也。所謂乘釁者。作書與近邊各官。令彼轉爲講和。限以日期。彼朝臣勢必紛撓。邊臣莫敢擔當。必致詭計耽延。彼時乘隙而入。惟我所欲爲。入則利在深入。不入則利在速歸。若半途而返。無益也。奏入。

太宗嘉納之。七年。明叅將孔有德。耿仲明。自山東來降。爲明兵追襲不得達。文程奉

八旗通志

卷一百七十二

名臣列傳三十二

四

初集

命應援。遂挈以來歸。時八旗置固山額眞。

廷議首推文程。

太宗曰。范章京才堪勝此。但固山職一軍耳。朕方資爲心膂。其別議之。是時文館內尚未有大學士職銜。而文程所領。皆樞密事。每入對。必漏下數十刻始出。或未及食息。復奉

召入。率以爲常。九年。上疏言。頃奉

聖諭。薦舉人才。中外臣民。無不欣幸。然

聖意以爲知漢人者。莫如漢人。故令漢人各舉所知。爲國家効用。乃孰意營私之輩。竟藉此爲黨援之

門。狙獍遊民。妄相標榜。飲朋賭友。謬自稱揚。又有意在朋比。故引一二優者於其中。以飾人耳目。甚或昵於親故。迫於囑託。明知其人非賢。過情誇詡。獨不思

皇上寤寐勤求之謂何。而乃妄舉若此。斯時卽有一二公直之臣。欲有所舉。因見其濫觴如此。亦灰心而不肯舉。卽有一二忠正之士。欲應其舉。因見其濫竽如是。亦灰心而不肯應。遂將

皇上咨訪賢才之美政。徒爲宵小倖進之階梯。今當考選之時。須斟酌錄用。若不詳慎。恐於國計民生。

八旗通志

卷二百七十二

各臣列傳三十二

五

初集

關係匪輕。卽曰事敗之餘。自有國法。然與其刑於旣用之後。何如慎於未用之先。且欲精核所舉之人。尤當並核舉者之人。其舉者公正。則所舉之人。自可任用。若舉者素履有虧。已不可信。而所舉者安得廉能耶。今我國之薦舉。雖不用古昔連坐之法。然亦當酌議懲罰。以爲妄比匪人。罔上欺君者戒。至於所舉得人。後有成效者。亦當給與紀錄。以昭獎勵。崇德元年。加世職爲二等甲喇章京。是年改文館爲內三院。

特授文程秘書院大學士。每議大政。必資籌畫。宣諭各

國

勅書皆出文程手。三年更定部院官制。先是六部都察院。理藩院。滿洲蒙古漢人承政。每衙門各三四員。其餘皆爲叅政。官止二等。至是文程等奏請。每衙門止宜設滿洲承政一員。以下酌量設左右叅政。理事官。副理事官。額者庫各官。共爲五等。尋薦鄧長春。張尚蘇。弘祖三人。

太宗可其奏。命睿親王更定部院八衙門官制。以鄧長春爲吏部承政。張尚蘇。弘祖爲戶部啟心郎。六年。同內大臣圖爾格等。察議圍錦州人等功罪。八旗通志卷二百七十二。名臣列傳三十二 六年始撥文程隸鑲黃旗。是歲

六

初集

世祖章皇帝嗣位。明年爲順治元年。四月。

命攝政睿親王多爾袞代領大兵征明。文程上書於睿親王曰。迺者有明流氛。踞於西土。水陸諸寇。環於南服。兵民煽亂於北陲。我師燮伐其東鄙。四面受敵。其君若臣。安能相保。雖天數使然。良由我

先皇帝憂勤肇造。諸王大臣祇承先帝成業。夾輔

冲主。忠孝格於蒼穹。

上帝潛爲啟佑。此正欲攝政諸王建功立業之會也。竊惟承丕業以垂休萬禩者。此時失機會而貽悔將來者。亦此時。何以言之。中原百姓蹙懼喪亂。荼苦已極。黔首無依。思擇令主以圖樂業。雖間有一二嬰城負固者。不過自爲身家計。非爲君效死也。明之受病種種。已不可治。河北一帶。定屬他人。其土地人民。不患不得。患得而不爲我有耳。蓋明之勁敵。我國與流寇也。正如秦失其鹿。楚漢逐之。雖與明爭天下。實與流寇角也。爲今日計。我當任賢以撫衆。使近悅遠來。蠹茲流孽。亦將進而臣屬於我。彼明之君。知我規模非復往昔。言歸於好。亦未可知。倘不此之務。是徒勞我國之力。反爲流寇驅民也。夫舉已成之局而置之。後乃與流寇爭。非長策矣。曩者棄遵化屠永平。兩番深入而返。彼地官民。必以我爲無大志。惟金帛子女是圖。縱然歸附。勢不肯留。因懷疑貳。蓋有之矣。今日有已服者。有未服宜撫者。是當申嚴紀律。秋毫無犯。復宣諭以昔日不守內地之由。及今進取中原之意。官仍其職。民復其業。錄厥賢能。恤厥無告。將見密邇者綏戢。

逃聽者風聲。翕然向順。大河以北。可傳檄而定也。河北一定。可令各城官吏。携其妻子。避患於我軍。因以爲質。又拔其德譽素著者。置之班行。俾各朝夕納獻。以資輔翼。王於衆論中。擇善酌行。則聞見可廣。而政事有時措之宜矣。此行或直趨燕京。或相機攻取。要當于入邊之後。山海長城以西。擇一堅城。頓兵而守。以爲門戶。我師往來。斯爲甚便。惟攝政諸王察之。順治元年四月。闖賊陷明北京。明山海關總兵吳三桂來乞師。遂驛召文程於蓋州之湯泉。策進兵。時文程方抱病。力疾趨

八旗通志

卷二百七十二

名臣列傳三十二

八

初集

盛京。建議曰。自闖寇猖狂。中原塗炭。近且傾覆京師。戕厥君后。此必討之賊也。雖擁衆百萬。橫行無憚。揆其敗道有三。逼殞其主。天怒矣。刑辱縉紳。拷劫財貨。士忿矣。掠民資。淫人婦。火人廬舍。民恨矣。備此三敗。行之以驕。可一戰破也。我

國家上下同心。兵甲選練。誠聲罪以臨之。恤其士夫。拯厥黎庶。兵以義動。何功不成。復言好生者。天之德也。兵者。聖人不得已而用之。自古未有嗜殺而得天下者。

國家止欲帝關東。當攻掠兼施。倘思統一區夏。非
又安百姓不可。於是大軍遂發。文程扶病隨征。
申嚴紀律。妄殺者有罪。二十二日。敗流賊兵二
十萬於山海關。我兵長驅而西。民多逃匿。文程
爲草檄宣諭。言義兵之來。爲爾等復君父仇。非
殺百姓也。今所誅者。惟闖賊。官來歸者。復其官。
民來歸者。復其業。師律素嚴。必不汝害。民心遂
安。凡檄皆署文程官階姓氏。師入燕京。文程建
議。首先爲明愍帝發喪。易梓宮。備儀衛。文程親
紀其事。時宮闕灰燼。百度廢弛。于是安撫子遺。
舉用廢斥。招集諸曹胥吏。收其冊籍。明季賦額
屢加。冊皆燬于寇。惟萬曆時故籍存。或欲於直
省徵求新冊。文程不可。曰。卽此爲額。猶恐病民。
豈可更求。迄今正供。悉依萬曆舊額。實助於此。
畿內甫平。軍興四出。騰布文告。應給軍需。事無
鉅細。皆決于文程。案牘委積。晝夜立

闕下。兼聽並觀。凡所措置。無不周當。二年。以開國
著勞。加世職爲三等梅勒章京。時中原既定。上
疏言。治天下在得民心。士爲秀民。士心得。則民
心得矣。今宜廣其途。以蒐之。乙酉丙戌。通籍者。

皆江北士。請於丙戌丁亥再行鄉會試。於是江以南士子畢集。得人稱極盛焉。四年考滿。加世職爲二等梅勒章京。五年加爲一等阿思哈尼哈番。與剛林俱。

賜名巴克什。以簡任內院。贊理機務。學問淵博。忠勤懋著也。六年正月纂修。

太宗文皇帝實錄。充總裁官。七年。

太祖高皇帝配天禮成。

恩詔加一拖沙喇哈番。世襲罔替。八年於剛林獲罪案。

內被議。奉

八旗通志 卷二百七十二 各臣列傳三十二

十

初集

世祖章皇帝特諭。范文程曾効力

太宗朝。在盛京時。又不曾預碩託貝子之罪。後知睿王所行悖逆。託疾家居。衆亦皆知。睿王取去剛林時。以范文程不合其意。故不取去。范文程着革職。本身折贖。仍留原任。九月復原官。九年兩遇。

恩詔。加世職至一等精奇尼哈番。廕一子入監讀書。十

月任議政大臣。是時直省錢糧缺額。賦虧餉絀。文程上疏曰。臣見直省地方。土地荒蕪。錢糧闕額。至四百餘萬。民賦虧。則兵餉必絀。

國家大害在此。然民地荒。則軍屯可興。

國家大利亦在此。昔明太祖嘗言養兵百萬。不費民間一粒。亦當元季亂後。曠地甚多。能行官屯故耳。今湖廣江西河南山東陝西五省。寇亂日久。人民稀少。若待招民。窮民無力。何能開墾。若任現在道府各官。庶務繁多。勢必遷延不力。臣請行興屯四事。一在選舉得人。凡興屯之地。應設兩興屯道以綜理之。設四同知以分理之。該督撫遴本屬之廉能敏幹者任之。以保舉之當否。爲督撫之功罪。其官吏俸廩。初年于興屯本內關支。次年以子粒補償。以後俱於屯粒中支給。此官增而俸不費。本少而利甚巨也。一在開墾收穫。開墾必用牛種農器。若俟撫按奏請。必致曠日。悉聽屯道。隨于州縣庫貯錢糧內分用支給。所墾地土。先於駐兵之地。荒蕪多而水路近者。以便轉運。漸及其餘。地之無主者。卽爲官屯。有主而拋棄者。多方招來。過期不至。亦爲官屯。凡土著流戶。願來耕者。官爲給地。量助牛種。官分子粒三分之一。三年之後。便爲永業。編爲保甲。使守望相助。奸宄不生。是於興屯之中。寓招撫之法也。其無本者。官給僱直。遠近饑民。勢

將聞風踵至。是於興屯之中。行救荒之術也。一在積貯轉運。初屯之時。根本未立。物力維艱。所收糧草。皆聽道廳全留積貯。任其出陳易新。爲次年加墾之計。其糧草有難以久存者。酌撥就近兵馬。必不可加派取盈。致工本有虧。及害大政也。其轉運一事。三年以後。於屯糧中僱儻舟車起運。永不動用屯官。僉點屯民。倒斃屯牛。而屯事始得永久矣。一在責成考課。凡興屯之處。府縣有司。應聽屯道提調。管屯同知。惟聽屯道管轄。如開墾日增。撫按必加特薦。做邊俸之例。三年陞二級以酬其勞。其不職者。撫按嚴糾。則罪在道廳。撫按曲庇。則併坐撫按。是所謂信賞必罰也。臣又謂今孟冬將盡。若復不決。明春難耕。日復一日。四百萬之課。是永無足時矣。

世祖俞其奏。命諸王大臣會議舉行。十一年正月。復上

保舉連坐之法。乞勅部院三品以上大臣。各舉所知。不論滿漢新舊。不拘資格大小。不避親疎。恩怨。取正直才守之人。堪任何官。開列實蹟。疏名保舉。各具專本奏聞。一官可舉數官。數官可舉一官。仍將所舉姓名彙置。

御前。不時召對。察其議論。核其行事。並視其舉主。何如人。則堪任與否。早在

聖鑒中矣。遇有缺出。公同會推。開出職名。並保舉官姓名。請

旨簡用。若用後稱職。量其效之大小。保舉官加以優典。若不稱職。亦量其罪之大小。保舉官議以連坐。此法實行。則內外皆得真才。而天下無有不治者矣。

詔從其議。八月。加少保兼太子太保。九月。以病乞休。

世祖諭吏部曰。大學士范文程。自

八旗通志

卷一百七十二

名臣列傳三十二

三

初集

太宗時辦事衙門二十餘年。忠誠練達。不避艱辛。朕所倚賴。乃近以積勞成病。雖暫假調理。仍夙夜在公。未得專事藥餌。旦夕奏効。深繫朕懷。暫令解任謝事。安心調攝。特加陞太傅兼太子太師。昭朕眷禮。大臣至意。佇俟病痊。以需召用。因

親配藥餌。馳賜。十四年。

恩詔加秩一級。遣畫工圖其像。藏之內府。不時觀覽。十

八年。

聖祖仁皇帝嗣位。覃恩。廕一子入監。康熙元年。奉

命祭告

太宗山陵。伏地號慟。幾不能起。五年八月初二日病卒。賜葬紅螺山。

御製碑文。立于墓道。諡曰文肅。後

聖祖駕幸紅螺。疊賜祭奠。五十二年。

御書元輔高風四字額其祠。文程經事

三朝。寵錫優異。在

盛京時。

列聖皆不名。但呼爲范章京。所賜衣冠。以其形貌頗偉。皆特製。居恒言天下治安。惟在得賢。庶官中有

一青不掩者。悉爲奏請。湔除拔擢。後皆稱職。謝

八旗通志

卷二百七十二

名臣列傳三十二

函

初集

政後。不忘報國。居別業中。以詩書騎射教子弟。性廉慎。好施與。器量宏深。人莫窺其喜怒。卒時年七十。子六人。承謨見得諡名臣傳。承勳見名宦名臣傳。

范達理。大學士范文程兄之子。初任牛錄章京。順治九年。

恩詔授拖沙喇哈番。尋加拜他喇布勒哈番。十年。從征

廣東。隨將軍朱瑪喇擊僞安西王李定國於新

會縣之山左。又擊之於峪口。連敗之。追至橫州

地方。恢復廣東三府十八縣。廣西二州四縣。並

在行間力戰有功。加世職爲三等阿達哈哈番。准再襲二次。康熙四年。補授副都統。九年。陞都統。十二年十二月。逆藩吳三桂反。

聖祖仁皇帝命隨寧南靖寇大將軍勒爾錦統兵往征。十三年。鎮守襄陽均州南漳等處。十七年。吳逆死。楚蜀地方以次收復。十九年。奉

聖祖諭。四川旣平。湖廣已屬內地。令范達禮率所部兵。星赴重慶。乘此機會。速定雲貴。九月。因川賊譚洪等復叛。仍令簡均州兵。速往夔州勦滅。凡前後出征十餘年。中緣事革去一拜。他喇布勒哈番。後因催漕有能。早竣厥事。仍給還原職。二十年病故。以其伯父之孫范時望承襲。

張大猷。漢軍鑲黃旗人。原係故明千總。天命六年。大兵克遼東。大猷自廣寧來歸。有郎遊擊者。隱匿來惑誘我兵之漢人。大猷發覺其事。天聰八年。論功。授三等甲喇章京。世職。管牛錄事。尋任刑部理事官。崇德五年。大兵征明圍錦州。大猷率四旗紅衣礮。攻取五里臺。涼馬山。臺馬家湖臺。六年。克金塔口臺。七年。復圍錦州。有松山騎兵來奪紅衣礮。大猷擊却之。四月。同固山額

真劉之源攻克塔山杏山。及附近諸臺。論功第一。加世職爲二等甲喇章京。八年。隨奉命大將軍阿巴泰征明。有范軍門率兵來戰。同梅勒章京祖澤洪。敗之于渾河塔橋。是年。復從大兵攻取前屯衛中後所二城。順治元年。加世職爲一等甲喇章京。隨固山額真葉臣等征山西。攻太原府。同劉之源圍流賊郭總兵於村中。殺之。克渡口。賊拒河立柵。隨大兵進擊敗之。獲船十五隻。二年二月。同侍郎巴山率兵駐守江寧。六月。

八旗通志

卷二百七十二

名臣列傳三十二

六

初集

同固山額真吳守進。攻浙江崇德縣。有賊兵九千餘。自錢塘來。夜襲我營。奮擊却之。又率本翼兵敗賊李副將。進攻嘉興府。同固山額真恩格圖擊敗城中賊兵。及僞錢尚書步兵。遂克其城。又克揚州崑山。常熟。江陰。皆督放紅衣礮有功。三年。陞兵部侍郎。以昂邦章京管梅勒章京事。提督烏真超哈。駐防陝西西安府。累官江南提督。七年九年。三遇。

恩詔。加世職至三等精奇尼哈番。世襲罔替。九年正月。

病卒。子張應庚襲。

馬光遠漢軍鑲黃旗人。天聰四年正月。大兵克永平。光遠以原任建昌叅將。率合城軍兵來歸。授副將。

賜貂裘。狐帽。玲瓏鞋帶。雕鞍等物。又令人潛入明北京。迎取其母。及兄弟家口。五年。從征大凌河。招降城南岡一臺。內百總一人。男子五十人。婦女四口。卽付光遠養之。七年。授一等總兵官。世職。八年。改爲一等昂邦章京。九年。以各堡多逃亡者。議將管堡各官革去世職。發堡當差。光遠上疏言。頃刑部奉

八旗通志

卷二百七十二

名臣列傳三十二

七

初集

旨。傳諭管堡各官功罪一事。按法議罰。情理允當。仰思睿慮。無非激勵滿漢各官。留心撫養人民之意。但各堡逃亡漢人。有二百名者。有一百名者。有八九十名者。其多寡不同。而管堡各官。有副將。有叅遊。有備禦。其功次不等。且受

恩已非一日。其世職或應十世。或應五六世。或應一二世。

恩典何等深遠。得之何等艱難。今一旦以養人無法。槩革爲民。衆情無任驚懼。臣所望者。雷霆之後。必有雨露。祈

聖主大施格外之恩。止從重議罰。免革世職。仍令各官戴罪辦事。使功不如使過。國法人情。兩得其宜。臣非爲各官營私。實爲王法持平。故敢冒死上奏。疏入。

詔從所請。崇德元年。從征朝鮮。克平壤江華島。二年。分漢人投誠者爲兩旗。以光遠與石廷柱爲固山額眞。各管一旗。三年。從大兵征明。運神威將軍礮攻五臺。克之。尋以病告。解固山額眞任。在內大臣內行走。四年二月。復奉

命同固山額眞石廷柱。率兩旗兵。運火礮輜重等物。征

八旗通志

卷一百七十二

名臣列傳三十二

六

初集

明。順治四年。以老病乞休。尋卒。諡誠順。改世職爲一等精奇尼哈番。以兄子馬思文襲。

馬光輝。光遠之弟。天聰四年。光遠於永平歸命。光輝以武舉。自北京挈家來歸。授遊擊世職。八年。緣事降爲備禦。崇德三年。授戶部理事官。五年。從大兵圍錦州。同固山額眞劉之源。擊敗松山杏山兵。七年。又同劉之源。攻克塔山杏山。及附近諸臺。以功復世職爲三等甲喇章京。奉

命於錦州督鑄紅衣礮。光輝覈實工料。于正礮三十位之外。多鑄五位。並鑄礮子二萬四千。八年。從大

兵征明。攻前屯衛中後所。督火礮進攻。克之。加世職爲一等甲喇章京。順治元年。任吏部侍郎。四年考滿。加半個前程。復以罪降世職爲拜他喇布勒哈番。九年。

恩詔。加一拖沙喇哈番。以前事屈抑。復授世職爲一等阿達哈哈番。兼一拖沙喇哈番。十年。出爲直隸山東河南三省總督。十月。膠州逆鎮海時行叛。同漕運總督沈文奎發兵討之。時行勢窮。殺其黨與李進文等。率子弟及部曲赴軍前降。十一年。論功加一級。廕一子入監。尋病卒。子馬爾泰。

八旗通志

卷一百七十一

名臣列傳三十二

亢

初集

襲。

郎熙載字道亨。漢軍鑲黃旗人。少失母。爲明生員。父萬年。爲明將鎮遼東。死闖賊之難。熙載與其父所轄舊將。守廣寧西清河堡。天命七年。

太祖高皇帝平遼東。熙載率四堡兵民來歸。授爲備禦。已而兼守三堡。合精兵數千人。嘗擒獲蒲河同謀潛逃者五十人。論功。授遊擊世職。天聰十年卒。年三十六歲。子六人。長廷輔。襲三等阿達哈哈番。次廷佐。仕至總督。加兵部尚書。

詔贈熙載如廷佐官。次廷弼。順治壬辰科進士。次廷相。

亦仕至總督。廷相見名宦名臣傳。

郎廷佐。字一柱。熙載之第二子也。生而奇偉。靜默好學。兼通滿漢文。由官學生授內院筆帖式。順治三年。超擢侍讀學士。隨靖遠大將軍肅親王豪格征四川。流寇張獻忠。事平。敘功。授半個前程世職。六年。隨英親王征大同。叛鎮姜瓖。敘功。加世職。爲拜他喇布勒哈番。陞秘書院學士。尋奉

旨。教習翰林院庶吉士。九年。奉

命往廣西。冊封靖南王耿繼茂。十一年。以兵部侍郎兼

八旗通志

卷二百七十二 名臣列傳三十二

三

初集

副都御史。巡撫江西。時江西兵亂之後。繼以水旱。人民流離。廷佐疏請。止徵新糧。舊欠止帶徵。一分。部議未允。廷佐復上疏言。江右一區。厥賦下下。民疲地瘠。在昔已然。

國家奄有南服。正明末荒敝之餘。水旱頻仍。彫瘵未起。迨至五年間。金逆搆亂。殺人。江右之地。盈城盈野。及巨逆授首。蠢爾山寇。出沒無常。蟻聚鴟張。所在見告。民人播遷于兵燹。展轉于溝壑。又三年壬辰之歲。旱魃肆虐。始則死于兵者十之五。繼又死于歲者十之五。所有一二子遺。則

兵革轉徙之餘生耳。十一年哀鴻漸集。榛莽漸開。而徵輸告急。窮檐八口。朝不謀夕。臣抵任時。見其流離萬狀。極目邱墟。隨有錢糧之拖欠。獨多。百姓之輸將日窘。敬摠拯救之良法。以培一省之根本事。一疏議以本年正賦。徵解如額。節年逋賦。帶徵一分。亟籲

天恩。未蒙俞允。旋即與守令約。有能徵逋無缺者。註上考。諸守令相視磨勵。計十三郡所輸解。不下二十餘萬。妄冀三秋可獲。竭小民一分之輸將。卽佐軍國一分之正供。併寬守令一分之考成。不

八旗通志

卷一百七十二

各臣列傳三十二

三

初集

謂昊天不弔。入春則三月苦澇。而大浸爲之稽天。入秋則三月苦旱。而金石爲之隳鑠。報荒之文充几。野哭之聲載道。民力幾何。堪此重困。向令歲歲可以取盈。亦不至積欠纍千纍萬如今日矣。臣于九月內。復有彙報異常旱災。亟請題

豁一疏奉

旨下部。尚未議覆。而又不敢少事姑息。檄催本年京運外運及漕南二米。尚不及十分之六。手腕欲脫。心血皆枯。民力已竭。臣計已窮。本年之賦。旣不能供。一口之生。尚不能保。乃欲以累歲之逋欠。

並責于一時。卽剗肉無補。况敲比乎。臣輾轉反側。夙夜隼思。撫字徒有其心。催科實無其術。在小民或匿升斗之積。不過自衛其生。今且敲扑頻加。哀鳴于血肉淋漓之下。不啻自速其死。江俗卽至狡。江民卽至愚。計不出此也。

聖主軫念饑民。發帑金二十四萬。大資畿輔。近復恩蠲。直隸八府。順治八年至十一年。未完錢糧。蕩哉仁恩。遐邇胥悅。江省僻遠。卽不得比于近地。撫此封疆。孰非

朝廷之封疆。嗟此赤子。孰非

八旗通志

卷二百七十二

名臣列傳三十二

三

初集

朝廷之赤子。臣非不知六師張皇。司農告急。蠲毫釐。則缺毫釐之軍需。緩須臾。則遲須臾之正餉。然時在今日。有不敢不告。且有不忍不告者。告之。則臣有冒昧之罪。卽不告。臣亦有隱蔽之罪。告之而

聖主鑒臣之愚。直念百姓之疾苦。而議蠲議緩。則冒昧之罪。可受也。不告而流離之狀。見於溝壑。究無濟于催科。考成之責。加于有司。適徒苦其鞭扑。而或激而走險。或坐以待斃。則隱蔽之罪。不可受也。以今日之江西。視前撫臣蔡士英。疏題三

年起科之江西。與臣抵任時。疏請帶徵一分之江西。萬有不同。臣屬剝膚之痛。遂不禁其言之迫切。有如此者。然令臣嘿嘿不言。使地方之情狀。疾痛不以相關。緩急不以相恃。

朝廷亦安用此尸位之臣子乎。臣謹特疏上陳。至或議全蠲。或議半蠲。浩蕩之恩。出自

聖裁。非臣所敢擅請。若本年豁荒分數。則仍聽部議。伏

乞

勅下該部。速爲議奪施行。尋奉

旨。並如所請。于是江西士民陷賊者。皆自拔來歸。流亡

八旗通志

卷一百七十二

名臣列傳三十二

三

初集

者。亦扶携復業。共慶更生焉。首招降袁州大盜。又江南婺源賊洪國柱。逃遁江西。出沒饒州廣信間。糾亡命繆我章等。肆行剽掠。廷佐檄九江道王天眷。廣信叅將王三錫等往勦。繆我章及僞副將等來降。遣同知葉承祧。招撫洪國柱。亦繳僞劄納款。在任三年。一切弊政。釐剔務盡。贛州連歲遭旱。更加災疫。廷佐委員買米賑救。施藥療病。民賴以安。十三年。陞江南江西總督。卽具疏陳江南三大困等事。又值太湖水寇錢大煽亂於江南浙江間。廷佐偵察形勢。指揮官兵

進勦擒錢大斬之。賊黨解散。然是時海寇鄭成功。鴟張島嶼。廷佐巡視江海。上密陳海防機宜。疏言鄭逆有必犯之勢。江南無可勝之兵。語甚切至。十六年。鄭成功果擁衆破鎮江。犯江寧。時有梅勒章京噶褚哈等。從貴州凱旋。統兵乘船順江而至。廷佐與駐防昂邦章京喀喀木邀噶褚哈兵入城同守。旋密議擊其先至賊衆。獲二十餘艘。僞印二顆。旣而鄭賊親擁戰艦數千。賊衆十餘萬。登陸攻江寧城。城外連營不絕。江上下分布戰艦。阻截要路。廷佐與喀喀木等晝夜固守。未幾蘇松總兵官梁化鳳親統馬步兵三千。及撫提各路官兵俱至。廷佐與諸將定議。將滿兵。派堵賊營。防其應援。發督標提標綠旗兵。并梁化鳳標兵。從儀鳳鍾阜二門出戰。擒僞總統余新。又斬僞總兵二員。殺賊甚衆。次日廷佐自居守。令喀喀木。梁化鳳管効忠等。水陸兩路進兵。五鼓齊出。大敗之。擒僞提督甘輝。併僞總兵等。殺賊益無算。燬賊艘五百餘。追至鎮江。餘賊乘舟入海。事平。有以通寇株連。涉矜疑者。盡釋之。議敘授一等阿達哈哈番。康熙四年。以星

變求罷。慰留之。七年。以病乞休。十三年七月。

特旨補福建總督。時耿精忠據福建反。執總督范承謨。幽於獄。賊兵出攻江西浙江。

王師尚相持。未能遽克。

廷議福建總督。須勳舊大臣兼資文武者。乃克勝任。咸謂郎廷佐。昔在江南破走海賊。威望素著。宜膺此任。

聖祖仁皇帝亦以爲然。遂特起廷佐于家。廷佐疾新愈。慨然請行。

陛見時。奏言臣孫爲精忠胞弟之婿。然臣誓不與逆賊

八旗通志

卷一百七十二

名臣列傳三十二

三

初集

俱生。願力疾前驅。滅此狂孽。

聖祖特賜甲冑鞍馬。以寵其行。廷佐出家財募豪勇。兼程前進。沿途詢訪軍前形勢。時海逆亦乘勢煽亂。旣進駐金華。與賊兵對壘。因上疏言。耿逆背叛。勾連海寇。虛張聲勢。但海寇止習水戰。陸地非其所長。宜勦撫兼施。乘機底定。奉

聖諭。海寇宜用撫。耿精忠宜用勦。或用間。相機便宜。以行。廷佐得

旨。旦夕籌畫。未及施行。以十五年六月卒于軍中。聖祖軫悼。賜全塋。如典禮。崇祀江西名宦祠。

祖澤洪漢軍鑲黃旗人。世居遼東前屯衛。天聰五年冬十月。大兵圍大凌河城。三月城中食盡。以副將隨總兵官祖大壽來歸。時有祖澤潤。祖可法。祖澤遠。祖克勇。祖邦武等。皆大壽子姓。各給房屋。以客禮恩養之。又賞緞疋。銀兩雕鞍等物。崇德元年六月。授澤洪一等梅勒章京世職。准襲十次。五年。任吏部左叅政。七年。兼管牛彘事。八年。從征山東。敗范軍門兵於渾河橋。順治二年。從征太原。斬李自成僞將陳總兵。三年。同固山額真巴顏墨爾根轄李國翰。進征西安。擊流寇孫守法兵。又率本旗兵擊商州流寇二隻。虎賀珍等。皆敗之。六年正月。從征叛鎮姜瓖。督紅衣礮克太原城。六月。圍大同。攻取渾源左衛。澤州。汾州。太谷。五城。以功加世職爲三等精奇尼哈番。七年。九年。三遇。

恩詔。加至一等精奇尼哈番。世襲罔替。尋補內弘文院學士。充纂修。

實錄副總裁。仍兼吏部侍郎。管梅勒章京事。康熙四年病故。子祖良棟襲。

鄧長春漢軍鑲黃旗人。初係明前屯衛副將。同

八旗通志

卷二百七十一

名臣列傳三十二

三

初集

總兵祖大壽修大凌河城。天聰五年。大兵圍大凌城急。同祖大壽來降。授三等副將。世職。賞銀帛鞍帶等物。崇德元年。加授爲三等梅勒章京。准襲八次。三年。任戶部右叅政。擢戶部承政。八年。大兵取前屯衛中後所。長春督本甲喇兵。放紅衣礮有功。順治元年。加世職爲二等梅勒章京。十二月。緣事降爲一等甲喇章京。二年。隨定國大將軍豫親王多鐸。征流賊。定河南江南。直趨杭州。有嘉興府賊兵來犯。長春逆擊敗之。取楊州。嘉興。江陰。崑山。常熟。五城。皆督放紅衣礮有功。次年議敘。加一拖沙喇哈番。七年。九年。三遇。

恩詔。加至一等阿思哈尼哈番。十年。以老病乞休。子鄧

志琳襲。

阿什圖。本姓周。漢軍鑲黃旗人。天聰五年。從征大凌河。錦州等處有功。崇德七年。任分得撥什庫。八年。隨奉命大將軍貝勒阿巴泰。征明。至山東。取東平州。首先登城。是年。攻前屯衛中後所。率挨牌軍克之。順治元年。管牛彙事。隨固山額真墨爾根。轄李國翰等。往征流寇。率本甲喇兵。

八旗通志

卷一百七十二

名臣列傳三十一

毛

初集

渡河。擊敗僞帥張總兵。守河馬步兵一千八百。獲馬五十六匹。船十五隻。二年。從征山西。攻太原城。督紅衣礮克之。又從大兵南征。攻拔武崗寨。又以本甲喇紅衣礮。敗鄭芝龍於揚子江。進攻江陰縣。下之。三年。從征杭州。擊敗僞國公方國安。渡江取金華府。五年。隨兵部尚書阿尼喀。在寶慶等處。擊敗賊首二虎劉馬盡忠等。八年。隨平南將軍金礪。征浙江舟山。克之。九年。從征福建。攻海澄縣。賊首鄭成功。引賊十萬餘。來奪紅衣礮。隨大兵擊却之。以功授拖沙喇哈番。准襲二次。十年。任杭州駐防牛錄章京。十一年。隨寧海大將軍宜爾德。征舟山。僞英毅伯阮思列。舟百餘隻。於海面拒戰。隨梅勒章京柯永綦等。擊敗之。以功加世職。爲拜他喇布勒哈番。十八年。陞授杭州駐防叅領。康熙元年。授杭州協領。十三年。陞杭州副都統。十四年。逆藩耿精忠叛。率兵擊之。與賊將曾養性。祖洪勳等。戰於台州陣亡。孫周良相襲其世職。二十五年九月。以阿什圖陣亡功。加良相世職。爲三等阿達哈哈番。准再襲三次。

盧崇峻漢軍鑲黃旗人。其祖盧國志爲明朝守備。守廣寧城。天命七年。大兵征明圍廣寧。國志開城門迎降。授二等叅將世職。後緣事降爲三等叅將。天聰八年病故。崇峻父延祚襲職。崇德八年。從鄭親王濟爾哈朗征明。攻前屯衛中後所二城有功。加世職爲二等甲喇章京。順治五年。因目疾休致。以崇峻襲。崇峻初任戶部他赤哈哈番。既襲父二等阿達哈哈番。四月。陞禮部理事官。六年。委管牛泉事。從征大同。叛鎮姜瓖。七年。九年。三遇。

八旗通志

卷一百七十二

各臣列傳三十二

无

初集

恩詔。累加世職爲三等阿思哈尼哈番。十一年。授甲喇章京。領兵駐防京口。十三年。陞吏部右侍郎。明年。出授山西宣大總督。十八年。調廣東總督。同平南王尚可喜協鎮將軍沈永忠等。征逆賊蘇利。擊敗賊衆萬餘於南塘鋪。進擊碣石衛拔之。斬賊首蘇利。生擒僞總兵陳英。僞副將李慧。殺賊五千餘人。加世職爲二等阿思哈尼哈番。世襲罔替。康熙五年。調河道總督。尋調山陝總督。七年。陞兵部尚書。八年。甄別降二級。以世職隨旗行走。十四年八月奉。

命往荊州管副都統事。二十一年回京。管火器營協領。三十年。從征土喇地方。居官四十二年。出兵六次。康熙三十六年。以老致仕。

許天寵。漢軍鑲黃旗人。世居遼東自在州。初仕明。任石城島總兵。沈志祥標下副將。崇德三年。隨志祥航海來歸。授三等梅勒章京。世職。本年八月。隨睿親王多爾袞征明。從青山口進邊。攻破直隸山東等處府州縣。十月凱旋。議敘加授世職。爲二等梅勒章京。五年。征明圍錦州。八月初二。躡破敵營。六年。復圍錦州。攻塔山。八年。隨貝勒阿巴泰征明。破直隸山東等州縣。並行間有功。師旋。出墻子嶺。破明蘇副將兵。是年九月。復隨鄭親王濟爾哈朗等攻明前屯衛。克中後所。以功獲賞。順治元年四月。隨睿親王多爾袞入山海關。破流賊。追至慶都縣。八月。隨靖遠大將軍英親王阿濟格。西征流賊。攻綏德州。延安府。克之。二年。追流賊至湖廣安陸武昌等府。又追至江西九江府富池口。屢獲賊黨。三年。隨平南大將軍貝勒勒克德渾。征湖廣。至牛皮灘。敗偽帥楊國棟。破常德府。進克祁陽縣。破偽總

八旗通志

卷一百七十二

名臣列傳三十二

三

初集

督何騰蛟。並在事有功。五年。隨征南大將軍譚
秦。至江西。征叛鎮金聲桓。攻克南昌城。七年。授
湖廣中路總兵官。隨續順公沈永忠。征湖南。十
一年。以其兵歸入續順公標下。同駐防寶慶府。
十三年。加昂邦章京職銜。協理本路兵馬。十四
年。移駐福建福州府。七月。以海寇之亂。調集各
府兵馬。進攻閩安鎮。旋調駐泉州府。十五年。授
隨征福建中路總兵官。十八年九月。由都督同
知加授右都督銜。充提督河南總兵官。康熙五
年。以捐銀修城。加授左都督。七年。調山東提督。
九年。內轉鑾儀衛鑾儀使。十五年。調廣東提督。
加太子太保。兼管水師。十六年。卒於官。年七十
歲。

胡有陞。漢軍鑲黃旗人。原係明錦州民人。崇德
四年。圍錦州。有陞持道人崔應時書來。約偕五
十人以城降。明將覺之。盡害其衆。因授有陞三
等梅勒章京世職。八年。從征明。敗范軍門馬兵
一千於渾河。又從攻明前屯衛中後所。並克之。
順治元年。論功。陞二等梅勒章京。五年。以總兵
官出守南贛。適南昌逆鎮金聲桓叛。自稱國公。

協同僞建武侯王德仁馬步十萬來攻贛城先以書招裨將高進庫進庫不從勒兵出戰爲金逆僞先鋒劉一鵬僞總統白朝佐所敗城幾失守有陞與巡撫劉武元竭力拒守自二月至六月城中糧盡士卒饑疲有陞拊而循之人無叛意尋以禁旅南來急攻南昌聲桓撤圍北走有陞率諸將追擊大敗之是年九月廣東叛賊李成棟妄稱惠國公勾連崗蠻號稱百萬北犯贛州有陞同巡撫劉武元大破之追奔逐北斬首萬餘級七年九年遇三次

八旗通志

卷一百七十二

名臣列傳三十二

三

初集

恩詔累加世職至三等精奇尼哈番十年論功加至一等精奇尼哈番進秩太子太保康熙六年以老病致仕贛州人思其德崇祀名宦祠。

八旗通志初集卷之一百七十三

名臣列傳三十三

鑲黃旗漢軍世職大臣二

洪承疇

楊名高

田雄

田象坤

馬得功

子三奇

劉良佐

靳輔

八旗通志

卷二百七十三

名臣列傳三十三

一

初集

洪承疇漢軍鑲黃旗人。世居福建漳州府。初仕明。累官至經畧。討流寇有功。崇德六年。率兵十三萬來援錦州。聞

太宗文皇帝親征。遂回松山固守。我兵四路追逐。殺五萬餘人。七年二月。肅郡王豪格等圍困松山城。明松山副將夏成德密遣子約降爲內應。十八日夜。我兵以雲梯於夏成德所守處登城。遂克之。城中文武各官俱被擒。

特諭將洪承疇及總兵祖大樂送入

盛京。始隸旗籍。順治元年四月。從睿王多爾袞大

八旗通志

卷一百七十三

名臣列傳三十三

二

初集

兵征明。庚午。師次遼河。以軍事諮訪。時流賊已陷京師。承疇上啓曰。我兵之強。天下無敵。將帥同心。步伍整肅。流賊可一戰而除。宇內可計日而定。今宜先遣官宣布王令。示以此行特掃除亂逆。期於滅賊。有抗拒者必加誅戮。不屠人民。不焚廬舍。不掠財物。仍布告各府州縣。有開門歸降者。官則加陞。軍民則秋毫無犯。若抗拒不服者。城下之日。必殺其官軍。全其百姓。有首倡內應立大功者。必破格封賞。法在必行。此要務也。况流寇初起時。遇弱則戰。遇強則遁。今得京

城財足志驕。已無固志。一聞兵信。必焚其宮殿。府庫遁而西行。賊已遠去。財物悉空。逆惡不得除。士卒無所獲。亦大可惜也。今宜約計道里。限以時日。輜重在後。精兵在前。出其不意。從薊州密雲近京處。疾行而前。賊走則卽行追勦。倘仍坐據京城以拒我。則伐之更易。如此。庶逆賊撲滅。而神人之怒可回。更收其財畜以賞士卒。殊有益也。初明之守邊者。兵弱馬疲。猶可輕入。今恐賊遣精銳。伏於山谷狹處。以步兵扼路。我兵皆馬。不宜履險。宜於馬兵內選作步兵。從高處覘其埋伏。俾步兵在前。馬兵在後。比及入邊。則步兵皆馬兵也。孰能禦之。若沿邊仍復空虛。則接踵而進。不勞餘力。抵京之日。我兵連營城外。偵探勿絕。庶可斷陝西宣府大同真保諸路。以備來攻。則馬首所至而功成矣。流寇十餘年來。用兵已久。雖不能與大軍相拒。亦未可以昔日漢兵輕視之也。五月。大軍抵北京。流賊敗走。遂定燕都。六月。授秘書院大學士。仍以太子太保兵部尚書兼都察院右副都御史。同內院官佐理機務。二年六月癸巳。以大學士總督軍務。招

撫江南各省地方。擊叛賊朱盛濃於涇縣。敗之。
撫其衆。遣總兵官胡茂正。卜從善等。七鎮官兵。
擊賊於江西麻姑山老坑。斬賊首汪三傑。僞將
范雲龍。金經生。餘黨悉平。時徽州一府。負險爲
患。故明翰林金聲陰結閩寇。受僞唐王朱聿劍
勅。起鄉兵十餘萬。製造盔甲鎗礮等項。分布山
隘。以拒我師。承疇會同固山額真葉臣等。一面
進勦。一面宣諭。遣提督張天祿。由旌德進兵。連
破十餘寨。馳至績溪縣。生擒金聲。并僞官四員。
斬於軍前。師駐徽州城外。不令一兵入城。出示
安民。市肆如故。十月

奏聞得

旨。覽卿奏。徽郡已經收服。秋毫無犯。具見運籌制勝。紀
律嚴明。朕甚嘉悅。一切招諭事宜。俱聽卿商確便宜
行。時福王初滅。令承疇駐江寧。十二月。福建僞閣部
黃道周。兵寇徽州。遣張天祿大破之。別遣副將
高進庫等。擊江西吉安府賊。擒僞監軍陳舉人
等。十二月。故明廢官荆本徹聚衆侵據崇明。遣
總兵官李成棟。率兵征勦。斬僞將李守庫。擒僞
都督徐君美等。遂定崇明。三年。黃道周復寇徽

八旗通志

卷一百七十三

名臣列傳三十三

四

初集

州。張天祿再敗之。斬道周。追殺逸賊。直入浙江開化縣。所過士民皆薙髮投順。二月。故明兵部尚書張縉彥赴軍前納款。疏請錄用。收山寨四百餘處。文武官二十餘人。辛巳。僞潞安王瑞昌王等率兵二萬。三路來犯江寧。約城內居民爲應。事發。捕獲奸細正法。承疇同滿洲兵三路逆擊之。殺傷無算。又司空寨賊首石應璉等擁故明樊山王朱常棨於潛山太湖間。嘯聚焚掠。遣官兵馳勦。斬應璉等五人。生擒常棨。各寨俱平。是年。副將高進庫擊贛州賊。敗之。提督張天祿

八旗通志

卷一百七十三

名臣列傳三十三

五

初集

擊斬僞高安王監軍江於東。僞金華王朱由樞聚衆江西。發兵擒之。遣總兵官卜從善勦安慶府賊。擒斬僞總兵趙正等。四年四月。柘林遊擊陳可擒獲奸細謝堯文。搜得僞勅一道。係故明廢官侯峒曾等所造。潛通僞魯王。反間大學士洪承疇及江寧巡撫土國寶。內云。封承疇爲國公。國寶爲侯爵。又有黃斌卿密書。內云。承疇所具本章。國寶二次密字。俱已轉奏國主。又云。內仗承疇。殺巴張二將。外託國寶。靖除地方。則江南不足定等語。承疇

奏聞奉

勅鎮守地方官嚴行審究別

諭承疇等曰。朕見此。益知賊計真同兒戲。因卿等皆我朝効力大臣。故反間以圖陰陷。朕豈墮此小人之計耶。卿等當益勵忠勤。以報國恩。勿以此介意。是月。蘇松提督吳勝兆謀叛。發官兵擒之。五月。故明推官陳子龍陰受僞魯王部院職銜。結聯太湖巨寇。潛通舟山餘孽。遣章京索布圖計擒之。子龍投水死。湖海諸寇聞風解散。蘇松一帶。以次削平。五年。還京。六年。纂修

八旗通志

卷二百七十三

各臣列傳三十三

六

初集

太宗文皇帝實錄。充總裁官。二月。爲會試考官。九月。達賴喇嘛自遠至。

世祖章皇帝欲親往迎勞。承疇與大學士陳之遴諫曰。臣等聞欽天監奏云。昨太白與日爭光。流星入紫微宮。竊思日者。人君之象。太白敢於爭明。紫微宮者。人君之位。流星敢於突入。上天垂象。誠宜警惕。且今年南方苦旱。北方苦澇。歲饑寇警。處處入告。

宗社重大。非

聖躬遠幸之時。雖百神呵護。六軍扈從。然邊外不如宮

中爲固。遊幸不若靜息爲安。達賴喇嘛自遠方來。遣一大臣迎接。已足見優待之意。亦可服蒙古之心。又何勞

聖駕親往爲也。天道深遠。固非臣等所能測度。但乘輿將駕。而星變適彰。此誠上蒼仁愛

聖主之意。不可不省也。疏入。遣內大臣傳

諭曰。卿等諫朕勿迎喇嘛。此言甚是。朕卽行停止。以卿等賢能。故擢贊密勿。嗣後國家一切機務。及百姓疾苦之處。如何始合民心。如何不合民心。卿等有所見聞。卽詳明敷奏。勿得隱諱。十年。出爲湖廣等處五省八旗通志。卷一百七十三。名臣列傳三十三。七。初集。經畧。六月。保舉原任大學士李率泰爲兩廣總督。七月庚申。

諭內三院曰。廣東賊勢潰散。地方漸平。且去湖南遼遠。應專任兩王。及該督料理。江西切近湖南。一應用官調兵事宜。時有關涉。袁州吉安一帶。餘賊未靖。應撫輯勦禦。着經畧輔臣洪承疇兼理。十一月。疏陳全楚情形。分駐勦禦事宜。言楚省寇亂多年。人知逆賊孫可望等。抗拒湖南。而不知郝搖旗一隻虎等。肆害湖北。今湖南有重兵分駐。足備防勦。但各郡寫遠。不免有首尾難顧之憂。其荊州賊孽。

倘或由澧州而犯常德。或截岳州以犯湘潭。則我兵腹背受敵。臣與督臣議。臣宜往來長沙。四應調度。督臣移駐荊州。提督官兵。宜赴荊州。鄖襄間聽調。仍俟另撥各營官兵。增武昌城守。以壯聲援。又陳粵西情形。及戰守事宜。言頃者。桂林雖云恢復。其實附郭。止臨桂一縣。外屬止靈川。興安。全州。三州縣而已。逆賊李定國。距省僅二百里。耽耽思逞。滿洲援勦官兵。豈能久留。將來有恢復州縣。何以分守。兵至則賊退。兵去則復合。彼逸我勞。甚犯兵家之忌。又若孫逆探我難顧。反置孤兵於徼外。俟臣親至衡永。再商機宜。

奏聞。十一年。辰常總兵官徐勇。因城陷殉節。闔門被害。疏請優卹。十二年六月。僞南安王劉文秀。率衆十萬。遣僞將軍盧明臣。僞興國侯馮雙禮等。分兵攻岳州武昌。而自將攻常德。承疇遣提督李本深等擊之。燾章京蘇克薩哈。以伏兵邀截。大敗其衆。明臣墮水死。雙禮被創。獲船千餘隻。捷疏。

奏聞得

旨嘉獎曰。日者逆渠孫可望猖狂犯順。遣發僞帥。統率多賊。夜襲常德。爾與寧南靖寇大將軍陳泰等。籌畫有素。調度合宜。文武將士。莫不用命戮力。水陸追勦。大獲全勝。張撻伐之神威。絕窺伺之狡謀。論叙膚功。已頒懋賞。仍賜特諭。用彰朕嘉悅之意。十三年。以考滿加太傅。兼太子太師。賜羊酒。廕一子入監讀書。十四年十一月。孫可望與李定國不協。興兵相攻。爲定國所敗。因遣將投誠。計降僞總兵都督二十員。僞太僕卿一員。僞副叅遊等一百餘人。旗通志

卷一百七十三

名臣列傳三十三

九

初集

員。兵丁家口五百餘名。馬騾五百餘匹。疏請錄用。乃封可望爲義王。三楚悉平。先是承疇以疾乞休。至是

諭兵部曰。經畧輔臣洪承疇。前已有旨。准解任回京調理。近聞病愈。仍著留原任管事。親統所屬官兵。同寧南靖寇大將軍固山額真宗室羅託等。由湖廣前進。相機收取貴州。十五年正月。隨官兵進發。招撫各州縣軍民土司。供應大軍糧餉。軍需無誤。五月。克取貴州。十六年三月。我兵追勦僞桂王。破騰越州。至南甸。從三宣六慰路遁去。雲南山川峻險。

幅員遼濶。平定之後。承疇疏請三路官兵。作何分防駐守。議政王貝勒大臣等會議。三藩內應移一藩駐鎮雲南。於是

命平西王吳三桂鎮雲南。平南王尚可喜鎮廣東。靖南王耿精忠鎮四川。十月庚戌。復以目疾乞休。奉旨。卿久任巖疆。勞績茂著。今滇黔初闢。正資彈壓料理。覽奏目昏衰老。深軫朕懷。特准解任回京調理。十八年。追叙前功。授三等阿達哈哈番世職。康熙四十年二月病卒。

予祭葬。諡文襄。

八旗通志

卷一百七十三

名臣列傳三十三

十

初集

楊名高。漢軍鑲黃旗人。崇德七年。任牛彖章京。隨固山額真劉之源。征明圍錦州。擊敗山口敵兵。又用紅衣礮。攻克塔山城。並收附近諸臺。考居四等。又攻克杏山城。及附近諸臺。考居一等。授半個前程世職。八年。從征明。敗范軍門兵一于於渾河橋。回兵至墻子嶺。敗敵於南山上。是年。大兵取前屯衛中後所。名高從行。督紅衣礮克之。加世職爲牛彖章京。順治二年。陞任甲喇章京。尋陞都察院叅政。六年。授福建漳州提督。三遇

恩詔累加世職至二等阿達哈哈番十三年在任病故。
子楊天福襲。

田雄漢軍鑲黃旗人。祖籍宣化府。初仕明。僞福王率王爲總兵官。順治二年。王師下江南。僞福王率僞大學士馬士英及諸內侍潛遁太平。我兵追之。復走蕪湖。福王登舟將渡江。昂邦章京圖賴等兵據江口。截其去路。雄與馬得功縛福王及其妃來獻。併率十總兵部衆同降。十月。明唐王僭立福建。魯王據浙江。馬士英等率兵二萬渡錢塘。立五營。欲犯杭州。平南大將軍順承郡王勒克德渾遣兵進勦。未至。敵渡江去。雄與總督張存仁等追擊之。斬五百餘級。十一月。士英等復渡江窺杭州。再敗之。擊走其兵二十七處。十二月。又敗士英等水師數萬。以功授一等昂邦章京。任浙江提督。八年。同固山額真金礪浙閩總督陳錦率滿漢戰船乘潮出關。擒僞蕩侯阮進於橫洋。獲僞勅印。遂克舟山。九年。叙功加太子太保。十六年。會同巡撫佟國器等統領滿漢兵。追擊海寇。直抵衙前。賊渠奔遁。又擊破於定關等處。焚斬甚多。十八年。叙擒福王及投誠功。

八旗通志

卷一百七十三

名臣列傳三十三

十一

初集

陞二等侯。世襲罔替。是年病故。以弟之子田象坤襲。

田象坤。田雄弟之子。康熙十三年。從征江西湖廣。有賊首黃豪。在鄱陽湖地方。率賊萬餘。船七百餘隻。分水陸三路。排列鎗礮來犯。奮擊敗之。隨率舟師進勦。連破賊兵。逆黨僞將軍夏國相。李良棟等。復率賊一萬三千。據萍鄉縣東來龍山。立寨挖壕。引兵拒戰。田象坤率本旗兵擊敗之。並敗其伏兵三千。離縣二里許。又有僞總兵陳夏。劉辛。裘率賊萬餘拒敵。擊却其衆。復以步戰敗七家洞僞總兵邱以勝兵。進取九嶺。率本旗兵敗僞總兵朱永昇等。續往雲南。賊僞將軍胡國柄。劉起隆。黃明等。領賊萬餘。排列鹿角挨牌。鎗礮交加。聲勢甚熾。田象坤率本旗兵奮勇擊敗之。事平議叙。以二等侯授爲一等侯。雍正二年三月。任正白旗漢軍副都統。四年。緣事革退。仍襲侯爵。八年十一月病卒。以其子田存德承襲。

馬得功。漢軍鑲黃旗人。祖籍福建。初仕明。僞福王爲總兵官。順治二年。大兵平定江南。得功同

田雄縛福王及其妃來獻。卽授爲京口總兵官。率衆擒斬僞王朱誼泐。僞經畧韋爾韜僞總兵楊三貫等。四年。陞福建提督。率兵恢復松溪縣。斬僞總兵魯念什等三十餘人。生擒賊首陳己。並海賊翟大梧蔣雲卿等百餘人。降海賊康三等。高士通。包自惺等一千二百餘人。以功授一等精奇尼哈番。十八年。追叙投誠及擒福王功。封三等侯。康熙二年。會同原任福建總督李率泰進勦廈門。金門等島嶼。身先士卒。直搗賊巢。在烏沙港迎敵。與賊將周全斌等戰。自辰至未。援師未至。颶風忽起。捐軀陣亡。

八旗通志

卷一百七十三

各臣列傳三十三

七

初集

特賜祭葬立碑。諡襄武。加封一等侯。又加一拖沙喇哈

番。世襲罔替。子馬三奇襲侯爵。兼管鑲黃旗漢軍叅領。康熙十三年。逆藩耿精忠據福建反。結連海寇爲亂。奉命大將軍康親王傑書統兵往勦。三奇時駐防鎮江。以海寇有殺其父之仇。請率父舊部伍千餘人。自備糧餉器械爲前驅。康親王代

奏得請。十四年。隨寧海將軍喇哈達。至浙江金衢諸府。攻石塘隘口。及松陽等處。敗僞都尉連登。

雲等。又攻張村等處。解宣平之圍。閏五月。擊敗
犯處州賊兵。俘獲甚多。十五年。同平南將軍賴
塔。進攻大溪灘。絕僞將軍馬九玉等糧道。恢復
江山縣。招撫僞副將毛念益。卽令念益齎令牌。
招降僞總兵王明庫。金應虎等。二月。復泉州。漳
州。遣標員鄭化蛟等。於九月十五日。招撫耿繼
美等文武僞官六百餘員。兵丁一萬餘名。進仙
霞關。復浦城縣。攻建寧。敗僞將軍張忠孝等。直
抵福州。及恢復海澄等十縣。閩省底定。並在事
有功。十六年九月。隨寧海將軍喇哈達征興化
江口城等處海寇。敗僞都督趙得勝。何佑等。又
遣人招降僞都督劉進忠等。恢復潮惠。至潮陽
縣。恢復石井清寺等處。叙功補浙江平陽鎮總
兵官。康親王疏奏。馬三奇在軍前衝鋒。著有勞
績。請以調補潮州總兵官。不但劉進忠悅服。潮
州軍民亦皆悅服等語。奉

旨如所請補授。旋討定和平橋等處餘賊。奪南北礮臺。
敗海寇僞總兵何佑。姜欽等。恢復井州。南澳海
山。白洲。諸海島。十七年。海寇臭紅肉等聯鯨入
團山等處地方。三奇親督官兵堵勦。斬殺甚多。

又勦殺潮州海寇。俱奉

旨獎勵。准議敘。寇氛寧靖。恭請

陛見。蒙

賜鞍馬等物。陞任貴州提督。又調浙江提督。恭請

陛見。

賜匾曰重鎮。陞任駐防京口將軍。四十二年。恭遇

聖祖仁皇帝南巡。御書壹範遺徽四字匾額。

賜其母墓。又

賜御書丹青志業箕裘重。雨露恩華歲月深堂聯。及五

爪龍緞外套二。黑貂帽一。四十四年。

八旗通志

卷一百七十三

名臣列傳三十三

五

初集

聖祖南巡。又

賜匾曰承訓堂。聯曰聲訖扶桑皆入貢。威揚滄海久無

波。五十五年。內補鑲白旗漢軍都統。六十一年。

世宗憲皇帝嗣統。命舊大臣十數人守護

聖祖山陵。三奇預焉。十二月初八日。總理事務王大臣

轉傳

聖諭。都統馬三奇甚是年久。因出兵効力之故。

皇考甚是軫恤。朕遣馬三奇赴

陵者。因彼年邁。令其閑居靜養。著馬三奇帶雙眼翎。二

年緣事革職。六年卒。

劉良佐。漢軍鑲黃旗人。初係明總兵官。僞福王
僭立南京。遣良佐與劉澤清黃得功高傑分守
江淮。號爲四鎮。順治二年。大兵下江南。福王被
擒。良佐率所部兵十萬來降。從征丹陽金壇有
功。破江陰縣城。並隨大兵進擊。以功授二等昂
邦章京。准襲十三次。尋出爲直隸總督。康熙五
年二月。以疾致仕。子劉澤涵襲。

靳輔。字紫垣。漢軍鑲黃旗人。其先世山東濟南
人也。明洪武中。始祖清從軍戍遼東。官百戶。遂
爲遼陽人。以陣亡得世襲千戶。至其父應選。於

八旗通志

卷二百七十三

名臣列傳三十三

六

初集

順治元年。從大兵入關。累官至通政使司右叅
議。輔年十九。入翰林爲編修。遷兵部職方司郎
中。通政使司右通政。陞武英殿學士。兼禮部侍
郎。康熙十年。

聖祖仁皇帝特簡巡撫安徽等處都察院右副都御史。
時皖屬頻旱。民多轉徙。輔蒞任後。力求民瘼。百
計撫恤。歸者數十萬家。臨淮靈璧二縣。從前虛
報開墾。并丈出拋荒地。衝沙壓田地。共四千六
百一十六頃有奇。累民賠糧者。已非一日。輔至。
疏請盡行豁免。又鳳陽田野多蕪不治。輔斟酌

事宜。上補救三疏。一曰募民開荒。二曰給本勸墾。三曰六年陞科。又上疏曰。致治之道。首在足民。足民有道。不在請賑蠲租。而在因民之力。教以生財之方。今鳳陽廣袤。何如蘇松。蘇松地方三百里。財賦甲天下。鳳陽方五百里。而貢稅不及蘇松什一。雖地有肥磽。詎應懸絕如此。蓋蘇松擅水利。小港支河。所在而是。早既有資。澇復有洩。雖雨暘偶愆。卒不爲患。大江以北。盡失溝洫之舊。稍遇水旱。卽同石田。今欲田無曠土。歲無凶年。莫如力行溝田之法。溝田者。古井田遺

八旗通志

卷一百七十三

名臣列傳三十三

七

初集

意也。然井田自畝至澮。淺深廣狹。法制繁重。溝田但鑿一溝。修浚甚易。其法以十畝爲一畝。二十畝爲一溝。以地三畝有奇。爲二十畝中之經界。二十畝之外。圍以深溝。溝道廣一丈八尺。溝廣一丈二尺。深七尺五寸。開溝之土。卽累溝道之上。使溝道高於田五尺。溝低於田七尺五寸。視溝道深一丈二尺五寸。澇則以田內之水車放溝中。旱則以溝中之水車灌田內。溝田一行。其利有四。水旱不虞。利一。溝洫旣通。水有所洩。下流高寶。不憂驟漲。利二。財賦有所出。利三。經

界旣正。無隱占包賠之弊。利四。疏奏。方下部議。舉行適滇。閩變作。江西饒州營兵。乘之爲亂。輔練鄉兵。嚴斥墩。遠偵探。於安慶。池州。建德等處。增設官兵。嚴加防守。巨寇宋鑣者。踞歙郡山中。聲撼遠近。輔以計擒之。時四路兵需孔亟。部議省驛遞之費。以佐軍餉。事下直省。巡撫條議。輔疏謂省費莫先省事。今督撫提鎮。每事必專員馳奏。糜費孔多。計惟事關軍機。必用專騎馳奏。餘悉彙奏。以三事爲率。是一騎足供三事之役。費可省十之四矣。議上。著爲令。自是歲省驛費百餘萬兩。加兵部尚書。當是時。河堤大壞。江淮之間。皆不歸故道。自蕭縣以下。不能歸海。決於北者。橫流宿遷。沐陽。海州。安東等州縣。決於南者。滙洪澤湖。轉決於下河七州縣。清口運道。皆爲淤塞。十六年三月。

特命輔以原官爲河道總督。蒞任之後。卽親至河干。上

下千里。徧行相度。毋論紳士兵民。以及工匠夫役人等。凡有一言可取。一事可行者。莫不廣諮博採。稽當日所以致敗之由。求今日所以補救之術。於是條奏經理事宜。分爲八疏。大畧謂治

河之道當審其全局。將河道運道爲一體。徹首尾而合治之。而後可以無弊。蓋運道之阻塞。由於河道之變遷。向來議治河者。多盡力於漕艘經行之地。而於他處決口。則以爲無關運道。而緩視之。殊不知黃河之治否。繫數省之安危。卽或無關運道。亦斷無聽其冲決而不爲修治之理。矧決口旣多。則水勢分而河流緩。流緩則沙停。沙停則底墊。以致河道日壞。而運道因之日梗。是以原委相關之處。斷不容於岐視也。今若不察全局之情形。而因循故事。漫爲施工。則堵東必西決。堵南必北決。徒費時日。徒費錢糧。而終歸無益。豈惟無益。將河患日深。而莫可救藥矣。今日之河。已極敝壞。皆因順治十六年至康熙六七年間。所冲各處決口。不卽堵塞。以致河淮兩水。俱從他處分洩。不復併力刷沙。流緩沙停。海口積墊。雲梯關以內。日漸淤高。若不早爲修理。必至三面壅遏。而黃流無去路矣。夫以萬里遠來。浩浩滔天之水。竟無路可去。勢必冲突內潰。而河南山東二省。恐俱有淪胥及溺之憂。彼時雖費千萬金錢。亦難補救。臣故謂今日之

修治刻不可緩也。但既經修治，則必使無旋修旋圮之虞。必使有可久可行之道。始爲有當。是以細加籌酌。其間修舉情形。有必當師古者。有必當酌今者。有須分先後者。有一時並舉者。總以因勢利導。隨時制宜爲主。疏上。

廷議以軍餉絀難之。姑令量修要害。輔又疏言。清江浦以下。不浚不築。則黃淮無歸。清口以上。不鑿引河。則淮流不暢。高堰之決口。不盡封塞。則淮分而刷沙不力。黃仍內灌。而下流清水潭亦危。且黃河之南岸不堤。則高堰仍有隱憂。北岸不堤。則山以東必遭衝潰。故築堤岸。疏下流。塞決口。八疏所陳。但有先後。無緩急。今不爲一勞永逸之計。年年築塞。年年潰敗。往鑒昭然。不惟勞民傷財。迄無所底。而河事且日壞矣。

廷議如前。

聖祖以河道關係重大。併下前後議。使再陳確見具奏。

輔乃備陳利害。將南岸白洋河。北岸清河縣以上。至徐州之情形事勢。逐一聲明。議各加築縷堤一道。并築格堤。以爲重門之障。又請於河之兩岸。設減水壩。使暴漲隨減。不致傷堤。悉見施

行。時清水潭工。淮揚間號稱首險。蓋全淮之水。挾黃河倒灌之水。自高堰決入高竇兩湖。轉決於此。爲下河七州縣受水門戶。屢塞屢決。至勞聖慮者累年。輔乃越潭避險。從淺所築堤。計長六百零五丈。遂用底績。先是司空計潭工。非用銀六十萬兩不可。至是費僅十萬而功成。省水衡錢數十萬。興工於十七年九月初八日。至十八年三月二十日合龍。更挑新河一道。計長八百四十四丈。名永安河。東望七州縣田畝。盡行涸出。漕運民船。永免波濤之險。其餘翟家壩九河等處。皆以次堵築。又請裁冗員。專責成。嚴賞罰。改河夫爲兵。領以武弁。凡採柳運料。下埽打樁。增卑修薄。諸務。劃地分疆。日稽月考。著爲令甲。而誘卸中飽。諸弊悉絕。先是南北兩運口。爲漕艘必行之道。黃與運通。時苦淤澱。歲須挑浚。輔乃於皂河東挑河二十里。以束運河之水。且使新河高於黃河二尺。則黃不能入運。而北口無壅滯之虞。南口則移其閘於淮內。使全受淮水。淮水一發。淤卽挑汰無餘。兩運口旣治。數百年夙害頓除。又於洪澤湖增築坦坡。殺水之怒。以衛堤。復

督河官沿河植柳以備埽防河之法至是大備蓋輔感激知遇不憚胼胝不辭艱鉅不恤恩怨不數年黃淮兩河悉歸故道漕運以通疏報優詔批荅褒勉有加二十一年因蕭家渡口決候補布政使崔維雅上書條奏二十四款言輔所築工程俱當拆毀奉

旨著差往勘閱河工大臣會同總河確議輔將維雅所奏二十四款具疏逐一登荅言蕭家渡雖有決口而海口大闢下流疏通河道腹心之患已除堵塞此口甚易斷不宜有所更張以隳成功而八旗通志名臣列傳三十三卷二百七十三三五釀後患時部議令輔賠修決口奉

聖祖特旨云修治河工錢糧甚多靳輔果能賠修耶如必令賠修萬一貽誤漕運奈何朕思河工一事治淮尚易黃河身高於岸施工甚難崔維雅條奏二十四款朕初覽時似有可觀及靳輔回奏則崔維雅所奏事宜甚屬難行令靳輔來京面奏再行詳議是年十月進京奉

恩旨免其責賠速回工所領帑加修輔感激竭蹶早夜督工二十二年四月題報蕭家渡合龍大溜直下七里溝險汛日加應行修理七月工部議上

大修奏銷錢糧。并歲修工程。奉

聖祖諭。河道關係國計民生。最爲緊要。前見靳輔爲人。似乎輕躁。恐其難以成功。今聞河流得歸故道。深爲可喜。以後宜加嚴戔。勿致疎防。二十三年。

聖祖南巡。閱視河工。賜御書閱河堤詩一章。并御用帷幙及佳哈舟等物。時黃淮兩河。旣歸故道。疏請開中河三百里。專導山東之水。初山東沂泗汶加諸水。一當暴漲。漂溺宿桃。清山安沐。海七州縣民田無算。且滙入黃河。益以淮水。三瀆爭流。以趣清口。上流潰。則下流益緩。緩則益淤。而上流愈潰。又漕艘道出黃河二百里。涉風濤不測之險。募夫挽溜。費且不貲。中河旣成。殺黃河之勢。灑七邑之災。漕艘揚帆。若過枕席。除積年之害。而爲百世之利。二十六年。

八旗通志

卷一百七十三

名臣列傳三十三

三

初集

詔問治淮揚下河之策。輔謂治下河。當專治上河。與羣議異。言者遽起。遂罷職。二十七年。工部尚書蘇赫奏。臣等遵

旨會議。往看河工。大臣因中河狹隘。恐水不能容蓄。欲於中河立三閘以減洩。又聞靳輔云。應於二三十里間。修小閘及涵洞。臣等請

聖駕親臨河上。指示修築。不但於漕運生民有益。亦可以服衆論。二十八年三月。

聖祖再行南巡。諭大學士等。朕巡行南省。閱視河道。江南淮安諸地方。自民人船夫。皆稱譽前任河道總督靳輔。思念不忘。且見靳輔濬治河道。上河隄岸。修築堅固。其於河務。既克有濟。實心任事。勞績昭然。著復其官。以原品致仕。居家三載。凡遇查閱河工。

聖祖念其舊績。必命同行。三十一年。吏部議原任運河同知陳良謨。告現任河道總督王新命。勒取庫銀六萬七百兩。請將王新命調省質審。其總河八旗通志名臣列傳三十三卷一百七十三二函印務。暫交漕運總督董訥署理。初集

聖祖諭廷臣曰。朕聽政以來。以三藩及河務漕運爲三大事。夙夜廛念。曾書而懸之宮中柱上。至今尚存。倘河務不得其人。一時漕運有悞。關係非輕。靳輔熟練河務。及其未甚老邁。用之管理。亦得舒數載之慮。靳輔著爲河道總督。輔以老病辭。不許。會陝西西鳳二府災。奉

旨。截留漕米二十萬石。溯河而上。備貯蒲州。以賑秦民。特命輔董其役。輔不敢辭。乃力疾就道。經畫西運。周詳曲至。自清河至榮澤。以達三門底柱。安流無恙。

始終不役一夫而事集。西運將竣。遂以病狀疏

聞。乃

命歸淮上調理。時病已深。猶疏陳兩河善後之策。及河
工守成事宜數萬言。又請豁開河渠築堤廢田
之糧。并清出淤成熟地畝之賦。尋復以病再疏
求罷。始得請。卽以是日卒於官舍。遺疏上達。

聖祖軫悼。

特准其柩入都城本家治喪。仍

命內大臣奠酒。祭葬如典禮。諡曰文襄。四十六年五月。
聖祖特諭吏部。朕厘念河防。屢行親閱。凡自昔河道之

八旗通志

卷一百七十三

各臣列傳三十三

三

初集

源流。及歷來治河之得失。按圖考蹟。靡不周知。粵從
明末寇氛。決黃灌汴。而洪流橫溢。歲久不治。迄於本
朝。在河諸臣。皆夫能殫心修築。以致康熙十四五年
間。黃淮交做。海口漸淤。河事幾於大壞。朕乃特命靳
輔爲河道總督。靳輔自受事以來。斟酌時宜。相度形
勢。興建堤壩。廣疏引河。排衆議而不撓。竭精勤以自
効。於是淮黃故道。次第修復。而漕運大通。其一切經
理之法具在。雖嗣後河臣。互有損益。而規模措置。不
能易也。至於創開中河。以避黃河一百八十里波濤
之險。因而漕輓安流。商民利濟。其有功於運道民生。

至遠且大。朕每蒞河干。徧加諮訪。沿淮一路軍民。感頌。靳輔治績者。衆口如一。久而不衰。夫人臣有大建樹於國家者。獎勲酬庸。宜從優渥。雖賜卹易名。已循彝典。尚應特予褒敘。賁以殊恩。靳輔著加贈太子太保。仍給世職。拜他喇布勒哈番。用彰朝廷追美勞臣之典。爲矢忠宣力者勸。輔前後治河十餘年。著治河書十二卷。奏疏八卷。其成法具載書中。至其天性孝友。九歲喪母。執禮如成人。爲世父喪。葬撫孤。作宗譜家訓。以教其子孫。至今猶世守之云。

八旗通志

卷一百七十三

名臣列傳三十三

三

初集

